

cf 2537

# LA POVPEE DE MASQUEE, addressee au Roy l'An 1620.

**L***Oquitur pauper & dicunt quis est hic?* En estes vous en peine (Messieurs les jadis assemblez à Loudun) ie vous en veux releuer: Je suis trop courtois pour vous faire reste de si peu, & ne suis pas si nourry à l'amour de vos louanges, ny si peu exercé es regles de mortification, que l'on ne me puisse voir, & contant & cōstant à ouyr & souffrir le bien ou le mal, le fauorable ou desfauorable iugement qu'il plaira à Messieurs vos P<sup>p</sup>. Consistoriaux de rendre de mon ouurage, s'il vous peut plaire il est bien à vostre seruice, à pied & à cheual, & s'il ne vous peut plaire aussi, pourueu qu'il vous proffite ou à moy, il m'importe peu s'il vous picque, il se treuve peu de remedes bien doux au gré du malade; ceux qui vous flattent ne vous aiment pas plus que moy, vous iugerez mieux de la bonté du vin à la seconde fois que vous en tasterez, & tout à dessein i'ay coupé ceste responce à vostre Prosopopée en morceaux ou diuers cayers, afin que la longueur d'un

2  
Nure ne vous estonne, & que la briefueté & courtoisie du premier cayer vous donne de la curiosité de voir ceux qui doiuent suiure; ie ne vous en scaurois bien dire le nombre à cause de la prodigieuse fecondité du sujet que vous me donnez par ceste poupee, & la parfaicte enuie que i'ay de la vous faire voir desmaquee, & deshabillée, & vous mettre sur les voyes de iuger à l'aise si elle est noire ou blanche sous drap. Dieu vous y donne des beaux yeux pour en veoir, & à moy bonne main pour y trauailler; comme i'ay vn beau nom & vn glorieux office, & encore que ie deusse taire & l'un & l'autre, & me contenter d'estre connu de Dieu & des Anges, puis que l'on a autresfois reproché à des vains glorieux, que *vocauerunt nomina sua in terris suis*, toutesfois puis qu'il y va icy de la gloire de Dieu, & du salut de vos ames qu'il a aymées iusqu'à la mort, ie franchiray le sault, & vous diray ce que ie suis, & ce que ie fais, *monitor humanae imbecillitatis appositus ad similitudinem triumphantium*, heraut deputé, sentinelle posée, crieur public & gagé, ceux qui me connoissent iureront que ie ne me donne que ce qui m'est deu, & que ie suis tel en verité pour vous dire haut ou bas de parole, ou de signe, comme vous le pourrez mieux agreer, *Quid gloriaris in malitia, qui potens es in iniquitate tota die iniustitiam cogitauit lingua tua*, &c. Avec tout ce qui suit de ce Psalme, & qui reuiert plus proprement à la pieté pretendue de vostre assemblee, & à la gloire qu'elles'est acquise à Loudun, que ce que le Page disoit à Philippe dans la foule de



ses triomphes, *memento te esse hominem*: Car quoy que l'un & l'autre vous conuiennent assez, & puisse seruir à vous faire veoir que les marbres & les dures pierres d'endurcissement, que vostre presumption alloit charriant de tous les coings de la France iusques à Loudun, (qui estoit le champ d'honneur où vous deuiez liurer bataille à la verité, à l'imitation des Perses insolens,) pourroient rencontrer la main de quelque expert Phydias qui en esleueroit & dresseroit vn Colosse à vostre honte, vne statuë de la Deesse de vengeance, qui les cornes à la teste, & le fouët à la main vous apprendroit, que qui vit sans crain-ten'est pas exempt du fouët, & que qui va au combat sans quelque apprehension en retourne sans honneur. Ne tenez pas à peu cest aduis, parce qu'il est suranné, car les cayers sont comme les maladies qui viennent à cheual, & les responses comme la santé qui va à pied. Plus il faut vous aduoier que nous faisons en l'Eglise Romaine comme aux bonnes maisons où il y a multitude de domestiques, qui se refient & se reiettent les commandemens du Maistre de l'un à l'autre. J'attendois quelque main serieuse & plus experte que la mienne, mais à faute d'une autre meilleure ie m'y suis attaché, *habita prius venia à sapientissimis Magistris*, & encôre ay-je voulu proffiter, la saison moderee à des emplois plus serieux, me reseruant la veuë de vostre Poupee pendant les loirs ausquels les chaleurs de la canicule nous obligent: ce n'est pas peu de ce qu'à la fin i'y ay voulu penser, prenez cela pour preuue de mon in-

4  
clination François & Chrestienne à vous servir.  
& en attendant mieux, croyez moy,

Vostre tres-zelé au salut  
de vos ames.

MONITOR.



# LA POUPPEE DES MAS- quee, adressee au Roy.

Couteau trenchant, forgé à Loudun, & qui se deuoit desgainer aux pieds du Roy, si sa Majesté se trouuant empeschée à des meilleurs & plus sérieux affaires n'eust fait remercier le porteur de sa peine, & ne luy eust fait dire à la porte du Louure, *mitte gladium tuum in vaginam tuam.* O que vous faictes bien, SIRE, de tenir de ses bonnes gardes aux portes de vostre logis Royal, faictes vous seruir pour vostre argent, & commandez SIRE, sur tout à ceux qui sont en quartier, qu'ils ayent l'œil plustost à la pointe & au trenchant du cousteau qu'à la garniture: car si la garniture paroît specieuse, la pointe en est dangereuse, l'atteinte venimeuse, *qua serpit vt cancer*, SIRE, vous sçauiez assez de Latin pour entendre cela; car si la conseruation de vostre vie & de vostre personne, selon le corps, nous est importante: l'est aussi la vie de l'ame, comme Tres Chrestien. Ne vous mettez pas à tous les iours, SIRE, & que vostre Majesté monstre d'auoir agreable, que pour ceste fois i'adiouste à ma qualité de son tres-humble subiet celle de Heraut, & que parmy les triomphes de vostre gloire, ie vous ose dire par forme d'aduis, SIRE, Ceux de l'assemblée de Loudun se souuiennent de vous, voyez en icy la preuue, par vne Prosopopee, où prou sotte poupee, enjoliuee, attiffee, embeguinee & masquee. Mon Dieu la belle garniture de cousteau avec la gaine de velours en argent, le O. mis deuant le E. & le R. deuant le A. Ceste poignée surdoree, damasquinee & emperlee, digne present

d'une assemblée si sainte par pretention, & le digne entretien d'une de vōz heures perduës. Vostre Majesté verra quelque chose de ioly, & quoy de plus spècieux, que ce qui se presente de ce cousteau à l'abord.

Hommage feint ou reel de la Poupee de Loudun, parlant de loing au Roy,

**V**Oz tres-humbles, fidelles, & tres-obeissans sujets & seruiteurs, qui font profession de la liberté Chrestienne en voz Royaumes & souverainetez, reconnoissans que Dieu vous a desparty de son Image pour leur estre Seigneur & Pere; portent à vōz pieds les tres-humbles vœux de leurs fidelles services, &c.

O la belle fille! pourueu quelle ne se descouure pas; Mon Dieu les beaux traicts de visage pendant qu'elle n'abbat point le masque, brane espousee de village dont la pauureté ne s'aperçoit le iour de la nopce: mais seulement le lendemain quant le presté & emprunté, est restitué. Pouppee à la Parisienne, habillée à Charéton de retailles de soye, piece deçà, piece de là, assemblée, qui ne couvre qu'un bouteau de paille, & quelques drilles fagottees: mais il y a assez d'art en l'ajancement pour amuser les bestes & les oyseaux, comme les peintures de Zeuxis Comedienne qui joueroit bien son personnage sur vn theatre, & à vn besoing se feroit croire Susanne, aux moins rusez, quoy qu'elle n'ayt iamaïs atteint la probité de Raab, qui par sa pieté enuers les estrangers peust affoiblir la mauuaise estime que sa vie impure luy auoit attiré. Qui ne la connoistroit, elle en conteroit de belles. Et messieurs nous sommes bien instruits



par ceux qui ont mis le nez dans voz memoires  
 secrets, que vous aymez deux maximes esgale-  
 mēt receuës parmy vous, qui sont, *nous ne croyons*  
*pas tout ce que nous disons, & ne disons pas tout ce que*  
*nous croyons.* Nous ne vous en oserions desdire,  
 puis que vous nous voulez en ceste croyance.  
*Scienti & volenti non fit iniuria*, Mais cependant  
 que vous vous tiendrez à ces franches maximes,  
 vous ne vous pourrez pas persuader que l'arche  
 vaille mieux que le pavillon qui la couure, & les  
 ouurages de l'art & de la nature ne vont pas de  
 mesme biays; la nature commence son ouurage  
 par les choses du dedans, & l'arts'occupe tout  
 au dehors, entendez moy & deuinez de qui ie  
 parle, *pulchrum quod fit sed cerebrum non habet*, à  
 peine seroit-ce de vous, puis que vous n'en vou-  
 lez point souffrir, si ce n'est en vos Sinodes, que  
 vous en faites vne sans aucune mouelle où cer-  
 uelle d'autorité: (Dieu te suscite vn Hercule,  
 hydre d'heresie, aussi puissant à faire testes; com-  
 me l'autre a en desfaire.) Se dire tels, & viure  
 tels, peuuēt estre veuz, assemblez & separez, vous  
 n'illuderez pas les yeux des simples, en vous pu-  
 bliant seruiteurs fidelles, vassaux & suiets très-  
 obeissans, si vous le dites & vous l'estes, si vous  
 m'en croyez vous le ferez, & puis vous le direz:  
 car l'œuure autorise puissamment la parole, ou-  
 tre que vous nous forcerez à vous croire profes-  
 seurs de la liberté Chrestienne aquisie par Iesus  
 Christ, *qui prius cœpit facere & docere.* Croyez  
 qu'il y en a de bien deceuz, si vous en estes venus  
 là, & que desia vous ayez atteint les cymes de  
 ceste perfection, ne vous en prenez qu'à la rigi-  
 dité des Historiens à escrire les choses comme

elles sont, ou aux mauuais memoires de leurs amis correspondans, qui peut-estre se sont mescōtez, & ont de mauuaise foy narré vos sermens & complimens, & malicieusement teu vos obeyssances & la fidelité de vos seruices: Si cela est, leur silence & eloquence sont également reprochables & punissables: comment auez vous tant differé à en former plaintes, afin que droit vous fust faict là dessus, & que par conclusion des Procureurs generaux & Arrests des Parlements, tels liures demeurassent supprimez, ou consumez au feu par la main d'un bourreau, & les Autheurs amandez. Il faut que vostre Conseil vous ait donné aduis de vous en taire, crainte qu'Aduocat ne fust permis à la deffense de tels liures, & qui fist voir par le deduit des choses passees depuis soixante ans, que les Autheurs & les liures peuuent estre, & accusez & conuaincus d'en auoir plus laissé au bout de la plume que mis sur le papier, ou par reigle de modestie & complaisance, ou par amour de briueté, & que parties ouyes, il ne fust ordonné que la premiere feuille de tels liures seroit reformee, & adiousté *dum breuis esse volo obscurus fio*. Je ne sçay qui vous conseille, mais il ne l'entend pas mal: car de deux maux il faut se tenir au moindre.

Protestation d'hommage veritable ou non veritable, de la Poupee de Iesus Christ.

**V**Ous passez de ce que vo<sup>r</sup> voulez que l'ô vo<sup>r</sup> croye d'estre au Roy tēporel, à ce que vous pretendez d'estre au Roy éternel, Professeurs de la liberté Chrestienne, le Roy n'eust pas esté marry  
quant



quant vous eussiez fait preceder la Royauté de Iesus-Christ à la sienne, qu'il aduouë par ses lettres dependante de sa grace : mais il se doit d'abondant offencer de ce que contrel'ordre prescrit par les Edits, vous vous attribuez sans front des qualitez insolentes, iniurieuses à tous les Catholiques du Royaume, & à sa mesme personne que vous offencez par le titre de Professeur de l'esclavage de Satan : en mesme temps que vous presumez avec celuy de Professeurs de la liberté Chrestienne, c'est aller demâder la grace au Prince le poignard à la main. Liberté heretique, que ie croy tiennne, mais nullement Chrestienne, Venerienne plustost, veu que Iesus Christ en son aduenement n'en a point acquis à la chair, apres laquelle vous courez desperduëment: vos fuites des Cloistres & des exetices de l'esprit, vos mespris de la chasteté & virginité, vos discours en faueur del'incontinence qui sentent le bordel, plus propres aux negociations d'une vieille & rusee macquerelle que de la bouche d'une Dame Chrestienne, plus sortables d'un corrompu mondain que d'un homme, soy disant ministre de la parole de Dieu: cela avec cent autres choses qui escartēt au loin vos ames impures de Iesus Christ, vous ietteront de la honte aux yeux, & vous forceroient (si vous auiez quelque modestie) d'estre contens du titre de professeurs de la Religion pretendue reformee, dans lequel la tolerance & la clemence du Prince vous souffrēt. N'est ce pas trop de vous souffrir avec ces toutes sortes pretentiōs, & vous sçauoir si certainement aux poursuites du cōtraire. Reformation? & pourquoy? pour auoir changē la penitence en dissolution : l'observation de

ce que Dieu commande en impossibilité pretenduë, le cloistre & le veu en liberté, la chasteté en vne sacrilege paillardise, & infinies autres metamorphoses plus fabuleuses & plus indignes d'un bon sens, que ce que les Poëtes ont iamais voulu feindre, & dont la suite ne peut estre approuuee que par des ames noires, & que la passion & la chair ont horribiement aueuglez; mauuais Apoticaire, *quos fertur aliud in titulo habere, aliud in pixide continere.*

### La Pouppee en deuotion aux pieds de l'Image de Dieu.

**N**Ous recognoissons que Dieu vous a desparty de de son Image pour nous estre Seigneur, Roy & Pere. Auez vous peur de trop dire, où de parler trop proprement, en disant, & auoüant, que les Rois sont les viues Images de Dieu, sans dire que Dieu a desparty au nostre de son Image? c'est que peut-estre vous voulez assuiettir Dieu au predicament de la quantité, & faire son Image diuisible pour en despartir piece de ça, piece de là : mais changeons de discours, comment ferons nous rencontrer en vn mesme Roy l'esclauage de Satan & l'Image de Dieu, sans y remarquer l'irreuerence de celuy qui parle? c'est estre dehors & dedans, où tous les deux ensemble, & nourry au grein & à l'eau de la cage de ce complaisant Romain, qui auoit exercé son oyseau à crier, *salue victor Cesar, salue victor Antoni*, affin qu'il fust prest pour faire la bien-venue à celuy auquel l'honneur de la victoire demeureroit: Et où en a-on veu qui fussent instruits à louer & à iniurier en mesme temps, comme sont ceux qui sont esleuez de vo-



stre main, qui ne meritent rien parmy vous s'ils ne sont capables de donner de l'employ au marforio de Rome, tant vous estes sanglans à piquer sans discretion de personnes, les suiets y doiuent estre faits & accoustumez, puis que les Roys ny sont pas espargnez, & qu'en vos protestations d'honneur vous ny pouuez pas rendre vos submissions si pures, que vous ne iettiez quelque crachatau nez des mesmes Majestez.

Faites sonner les cloches Marguilliers de Paris, assemblez vous peuples, & venez voir les deputez de l'assemblee de Loudun, au nom de tous les huguenots de France à genoux deuant l'image de Dieu, leurs vœux à ses pieds : Quelles gens estes vous qui detestez si fort les Images, qui les brisez de rage, les defiguez, tronçonnez, & puis vous les adorez. Interrogez quel peché peut estre celui du cōmuniât sans preparatiue, qui peut attirer sur sa teste le iugement de Dieu & le rendre coupable avec les Iuifs de ce qu'il souffrit au corps en mourant, vous respondes plaisamment que comme l'irreuerēce faite cōtre l'image du Prince estensee, crime de leze Majesté, & comme telle punie, ainsi que si c'estoit la personne du Prince que cōme Theodose vengea l'iniure faite à l'image de sa femme sur les attentateurs, qu'ainsi l'indignité du cōmuniant tient Iesus Christ offensé, encore que ce ne soit pas contre son corps, qui ny est pas selon vous: c'est assez ce dites vous que cela heurte & offense son Image. Vostre Theologie doit auoir le nez de cire, & sa regle faite de plomb, car vous la tournez à toutvêt, vous rôpez les Images, vous les adorez, & puis vous faites vn sacrilege de les approcher. Courage Catholiques François,

l'assemblée de Loudun a condamné Calvin, & rayé l'article du Catechisme qui fait en detestatiō des Images: les voila aux pieds de l'Image de Dieu, eux qui nous taxoient d'idolatrie à cause de nos honneurs aux Images, gens en yvrez du vin & de la coupe de la paillardie: ô qu'ils les aiment quāt elles sont d'or, d'argent, de chair, de ces Images parlantes, riantes, que s'ils ont retirees des Eglises les vnes, les autres des cloistres, ce n'est pas d'haine qu'ils leur eussent, mais seulement pour les avoir plus proches, & pour en faire des dieux domestiques, du logis & du foyer. Et puis ils n'aiment pas les Images si esleuees, ils aiment mieux avoir les pieds sur les testes des Images, que les pieds des Images sur leurs testes, ils en ont rédu les preuves par l'enleuement de celles de nos Eglises en attendant la resolution de l'assemblée de Loudun, de ce qui seroit à faire des autres. En fin ils aiment bien les Images de Dieu, mais humiliees, mais mises à leur deuotion; & i'ay pris garde estant au presche, que par malheur i'ay frequenté deux ou trois Ans, qu'ils faisoient fort mauuaise mine quant il falloit entonner ce verset du Psalm.

*Imposuisti homines super capita nostra.*

Et les femmes sur tout, mais celuy qui suit rompoit soudain le cours de leurs tristesses, *Transiimus per ignem & aquam, & reduxisti non in refrigerium.* Sur l'esperance qu'ils se donnent que leur attendu l'antichrist leur aquerra avec les thresors de la terre la possession paisible, possessiō de toutes les Images, & que les mesmes Roys qui sont auoüez par eux les Images de Dieu, humilieront leurs sceptres sous les grandeurs de cest homme de peché, & qu'alors cesseront tous les hōneurs,



rendus & à rendre aux Images pour maintenant :  
 & iusqu'à ce qu'autremēt en soit dit, il faut rēdre  
 à Cesar ce que la qualité de Cesar demande de vos  
 deuoirs Catholiques & huguenots : soit de bon  
 où de volée, si faut-il mettre le genoüil deuant les  
 Images, parler avec honneur à l'image de Dieu,  
 cōme vous faites aussi Messieurs, ou vostre Pou-  
 pee pour vous, sinon de cœur au moins de corps.  
 Suplique de ceux de l'assemblée, comment  
 fondee en Iustice.

**S** Vplient tres-humblement vostre Majesté de se  
 vouloir souuenir, que comme Dieu appelle Iustice  
 l'effet de ses promesses, qu'ainsi veritablement peuvent  
 ils appeller les vostres, puis qu'il vous a pleu les affer-  
 mir par vos Edicts publiez pour le bien de paix & re-  
 pos de vos sujets.

Messieurs, vous ne pouuez mieux, ny plus Ca-  
 tholiquement, ny plus raisonnablement parler,  
 le Concile de Trente ne scauroit mieux dire, &  
*S. Aug. serm. 16. de verbis Apostoli*, ne dit-il pas  
 comme vous, parlant à Dieu, *debes mihi quia pro-*  
*misisti mihi. S. Bernard l. de gratia & libero arbi-*  
*trio promissum ex misericordia, sed tamen ex Iustitia*  
*persoluum.* Payez, SIRE, vous deuez à Mes-  
 sieurs de l'assemblée de Loudun, puis que vous  
 auez donné vostre promesse; ce qu'ils demādent  
 est de Iustice, pour moy qui n'entend pas bien le  
 train des formalitez quis'y obseruent, & qu'il va  
 icy de l'interest de vostre Majesté, que l'on vous  
 veut cōdamner de grād prometteur, & de mau-  
 uais payeur. Je lairray ceste cause à plaider, & ce-  
 ste responce à faire à la suffisance de Mōseigneur  
le Chancelier.

*Monseigneur le Chancelier parle.*

Les mains de nos Rois, à l'imitation de celles de Dieu (pour estre ses viues Images dās la terre, comme vous l'auoüez) se treuuent longues, autāt pour rendre les effects de leurs promesses, que pour tirer vengeance du mespris fait à leurs loix & à leurs personnes : l'estenduë de leurs bras passe esgalement à l'execution de l'un & de l'autre, nul ne se peut plaindre de ne sentir les effects de leurs promesses qu'il n'en treuve la cause de son propre māquement, s'il la veut chercher; leurs Edits ont vne double relation, l'une à la Iustice du Prince pour dōner & proteger, l'autre au deuoir du vassal pour meriter & obeir le manquement de ce que doit le sujet, tire apres soy suspension de ce qu'il deuoit attendre de la liberalité de son Souuerain: leurs effets de leurs promesses sont de Iustice, pour ceux qui se rendent soigneux obseruateurs des cōditions qui les accōpagnent: Ils sont en cela les Images de Dieu, puis que cōme sa diuine Majesté promet son Royaume, sous conditions obseruables es choses qu'il cōmāde, & que nul n'est admis à l'effet de la promesse, que celuy qui aura trauaillé à l'observation des conditions posees: que de mesmes les Majestez tēporelles ne doiuent pas estre taxez, ny censez peu amatrices de Iustice, ny peu obseruatrices de leurs promesses, si elles sont veuës les mains serrees enuers les nonchalans de ce qu'elles ordonnent. La Iustice du sujet se prent autant en son œuure, qu'en la promesse du Prince : vous seriez hors de peine (avec les vostres Messieurs les deputez) si vous pouuiez nous faire croire mesme de l'impossibilité, à ce que les Roys & leurs Edits commandent



cōme vous en pretendez és commandemens des cōtenus és deux tables escrites du doigt de Dieu, alors nos Rois cesseroiēt à faire des nouueaux Edits, suspendroient ceux qui sont desia faits, pour ne se voir desobeïs, à tout bout de champ taxez d'imprudence. N'opiniaistrez pas la pointe de ceste pretenduë Iustice, parce que vous obligeriez la clemēce du Prince à se tirer du costé de la rigueur, & à informer plainemēt des conditiōs par vous plus ou moins, ou du tout point obseruees : vos manquēmēs remarquez en ce cas, vos remonstiances tolerees se verroient censurees comme desraisonnables, & repoussées comme trop hardies.

Et puis Messieurs, quant est-ce que le Roy a manqué à se tenir à la iuste lettre de ses promesses, aux choses de vostre protection & de vostre satisfactiō : (si au moins vous estes capables d'en prendre.) Au cōtraire, s'il falloit trouuer de l'excez, il le faudroit chercher dans sa clemence toute indulgēte, dans sa facilité à incliner à vos importunes demandes; quant auez vous estes hurtez & non vengez? quāt oppressez & non plaints? quād offencez & non receus à vos griefs? ou pretendus, ou reels? a-on iamais manqué à accourir au plus petit bruit de vos clameurs? cent preuues de ceste verité. I'en vais dire vne bien connuë, bien proche de nostre temps & de nostre voisinage, celle de la honteuse fuite, & de la braue faillie d'un de vos Consistoires du Dauphiné pendant le siege de Priuas, causee par vne feinte alarme & vne apprehension réelle où non : mais qui pour auoir laissé sujet de grand trouble dans vne Province, composez de peuples meslez en fait de Religion, deuoit seruir d'exemple à l'aduenir, & ce-

pendant les Seigneurs, Presidens & Conseillers deputez Commissaires, bien instruits de l'intention du Roy vous accueillent, & avec des bras de Peres à vostre retour ils voulurent se contenter de la peine que ces hardis Cefars auoient portez par les railleries de leurs voisins, improuuans en souffrant ceste gentille escapade, qui pendant vn temps a seruy d'entretien aux femmes du voisinage pour passer la soiree avec moins d'ennuy, au lieu de fables ou de chansons. Abbordez plustost les pieds du Prince avec vn esprit recognoissant, & apprenez que nos Rois sont des dieux, puis que comme dieux ils portent des souliers, ou des pieds de laine, & qu'ils procedent à vostre correction comme avec regret, & vous tousiours avec rigueur. Et en conscience, auez vous iamais laissé passer vne mouche que vous n'ayez crié à l'Elephant, & combien de fois a on veu vos biles eschauffees, vos ardeurs de foye enflammées, vos coleres enflées cōme vne mer courroucée, ne la on pas suporté, ne la on pas dissimulé, si vous estes brebis du petit troupeau, comment brebis, tousiours aux clameurs, tousiours aux aigreurs, tousiours aux plaintes, tousiours sur la deffensue au moindre souris que vos imaginations apprehendent en songe, au plus petit Taon qui vous pique: Et où ceste patience Euangelique qui vous doit mettre en possession de vos ames, ce Pasteur du troupeau, duquel vous vous comptez sans l'hoste, nourrit des brebis patientes qui souffrent en silence, & non des loups tousiours aux hurlemens pour attirer des compagnons & complices. Le Pasteur ne se charge pas du soing de telles bestes, mesmes les voyant



gner pays & fuyr deuant vne brebis, *quādiu oues fuerimus vincimus, etiam si mille circumstent lupi, superamus & victores sumus, quod si lupi fuerimus vincimus*, voyla le refrein de la balade: Si l'on vous voit tousiours la gueulle beante preste aux clameurs, aux hurlemēs, au carnage, vostre proces est fait & instruiēt, il en faut tomber des despēs, vous voyla loup reconnu, vos villes d'ostage ne vous sçauoient tenir en assurance, vos intelligences en Allemagne & en Angleterre ne vous sçauoient acquerir ce que Dieu ne vous veut pas donner, vous pouuez faire quelques courses, eschapper dans le bercail aux despens de quelque ame egarée, esuentée: mais il faudra battre promptement la retraicte, *nouum belli genus & insolitus praeliandi mos cum nudos mittit vna indutos tunica sine calceis absque virga & absque Zona & perā*, qui armeroit de pied en cap, en ceste forme vos Ministres, ils quitteroient bien tost le dé, & s'excuseroient aussi honnestement de ceste descharge que Dauid de la charge des armes de Saül. Ils sont trop honteux & honnestes gens pour se resoudre à la nudité, ils craignent trop les rigueurs de l'Hyuer pour se passer avec vne simple tunique, & avec la robe d'vn pauvre, & sçauent aussi combien la plante du pied touchant la terre nuë est fatale, & nuit aux effects de la multiplication qu'ils ayment, qu'ils deffendent à cor & à cry; & combien elle sert puissamment à moderer les ardeurs amoureuses & voluptueuses, de la possession desquelles ils n'ont pas dessein de se dessaisir, non plus que de la ceinture & de l'or qui s'y reserve, qui doit seruir à l'entretien de la famille: posé que toutes ces conditions de brebis vous manquent, au moins ne deuriez vous pas estre veuz desgarnis de la plus recommandée,



*mansuetudinem ouium ostendite quamuis ad lapos ituri  
 nec simpliciter ad lupos, sed etiam in medio luporum, sic  
 enim virtutem meam maximè ostendam cum ab ouibus  
 lupi superabuntur.* Car si ceste condition de benigni-  
 té vous manque apres toutes les autres, voyla de-  
 quoy vous recognoistrez loups, que la rage & l'in-  
 clination au carnage ont ietté dans le troupeau:  
 Et de quoy aussi croire que nous sommes les brebis  
 & qu'à la fin vostre hôte sera nostre victoire. Quoy?  
 Charlatans qui amusez les passans, qui entretenez à  
 l'abord de belles esperances, *dimandata Signore*, bone  
 chambre, bon liét, meilleure table, & puis du vent,  
 tout y manque: Heresie & la Charlatannerie  
 mesme chose, brebis du troupeau esleu, qualitez &  
 marques de brebis en gros, rien ny manque: mais en  
 destail, ou la laine que vous rendez comme brebis?  
 ou la nudité? ou l'vnion des brebis qui viuent en  
 communaulté en vostre vnion en la croyance? ou  
 chacun a sa foy à part? ou l'vnion avec le troupeau  
 l'Eglise? & avec le Berger son Chef? mais où en fin  
 la douce humeur à souffrir & à taire, la souffrance à  
 se contenter que Dieu le voye, que ses yeux & ceux  
 des Anges en tesmoignent. Mais se plaindre sans  
 sujet, sans fondement, quereller sa patrie, pointiller  
 son Roy, appelez du tribunal de sa cleméce à celuy  
 de sa Iustice, & vouloir que le battu paye l'amende,  
 & au lieu de restituer demander que les termes ex-  
 pirez pour la remise des villes d'ostage l'on se mu-  
 tine pour en obtenir de nouuelles: Et si les brebis  
 parloient & scauoient avec raison proceder à leur  
 deffence, feroient elles celà? & si les loups pouvoi-  
 ent ratiociner, & faire la guerre feroient ils pis? En  
 deux mots, Messieurs les Deputez, trauallez, &  
 vous mangerez, obeïssiez & vous ferez protegez,  
 meritez & vous receurez.



Le sang des Peres de ceux de l'assemblée  
martyrisez, leur merite & comme-  
moration.

**V**ous en alleguez des merites, mais des emprū-  
tez, quant d'un accent plaintif, le cœur tout  
gros du mal de l'Estat present, vous dites que vos  
Peres ayans arrosé de leur sang les Lauriers de Henry le  
grand de tres-glorieuse memoire, ils ne peuuent que souspi-  
rer de ce qu'il leur fait encore aujourd'huy arroser de leurs  
larmes ceux de Louys le Juste, gemissans en l'attente des  
fruits qu'ils deuoient recueillir de la Paix. Vous estes  
si accoustumez aux vertus empruntees, & aux me-  
rites d'autrui, si certains de nullité des propres per-  
sonnelles, que vous ne les osez alleguer & mettre  
en conte, & vous faites sagement, puis qu'elles sont  
deuant Dieu & deuant les hommes, selon vostre  
croyance & la nostre, *sicut pannus menstruata*, n'ex-  
pliquez pas ce Latin à vos femmes, car elles vous re-  
procheroiēt que tout le mal n'est pas de leur costé:  
ne prent pas tout le mal que le deuant des vostres  
en a sa bonne part.

C'a, aux vertus & aux sang de vos Peres; depuis  
que celui des enfans est aux yeux, & que toute  
leur Iustice est imputative: à ce sang, ce genereux  
sang, qui a honoré quatre champs de bataille, qui a  
rendu si celebre le 25. iour du mois d'Aoust, & a si  
fort amplifié la memoire de S. Barthelemy, le iour  
duquel vostre Prosopopée fait commemoration,  
à fin qu'il intercede pour ses braues martyrs qui ne  
sont pas encor coriuez, mais sont *in atrio*, comme  
dit Caluin, sur le paruis deuant la porte en attendāt  
quel'on ouure, ou quel'on leur dise *nescio vos*, gene-



reux sang des Peres qui a peu teindre en vermillon les lauriers de Henry le grand, & à tout plein adjousté aux graces de ces Lys, digne ambition d'un tel sang, & sortable abbaisement de tels lauriers: Ce sang de vos Peres devoit estre d'une nature Ignee ou Aërienne, puis qu'il monte si haut & qu'il doit tenir souz soy des lauriers si verdoyans de gloire, que celuy des enfans nous doit estre cher, & sa conservation bien recommandee, quant ce ne seroit que pour honorer la memoire de celuy des peres ne le faut pas mettre à tous les iours, ne souffrir que l'on en dise mal, il le faut garder pour les plus grands besoins de l'Estat, de peur que nous ne soyons & menassiez, & recerchez, s'il se perdoit par peu de soing, *sanguinem eius de manu tua requiram.*

Mais vous estes si bons, qu'attendant l'occasion de donner du sang du corps, vous faictes liberalité de celuy du cœur par vos larmes versees sur les lauriers de Louys le Juste, & nostre France seiche, qui avoit besoin d'une bonne nuee comme celle de vostre assemblee, qui de l'abondance de ses pluyes arrosast des plus hautes cymes de l'arbre de c'est Estat, iusques aux plus profondes racines qui l'entretiennent en vie. Si elles nous pouvoient causer douze saisons l'année, comme ces mysterieuses ames qui mouilloient les racines de ce miraculeux del'Apocalypse, les reuenus du Roy se multiplieroient, ses coffres se rempliroient, les peuples se tireroient de la misere à laise. Roys & sujets, les villes & les campagnes vous recognoistront comme des iustes enuoyez de Dieu pour leur bien, & à peine se pourroit-ils empescher d'aller faire le matin à vos portes ce que faisoit le payfan chez Menander au coing de ses champs, & dire comme luy: *Id quod meum nutrit*



*Deum meum iudico?* Les assureurs ils se cottiferoient, & les pensions des ministres les mettre à douze cens liures, & nous vous ferions eriger des Temples à noz despens, aussi beaux que ceux que vous nous auez ruinez.

Lauriers de Louys, plantes mortes sans vie, sans espoir d'accroissement, ny de fruit qui ne pouuez reuiure, si vous n'estes arrousez par les larmes des huguenots assemblez à Loudun, comme ceux de Henry par le sang espandu de leurs Peres: Maison de Bourbon, terre seiche, sterile, qui ne peut deuenir feconde que par les benedictiōs de Messieurs les pretendus Euesques qui y president: France avec tant de belles Prouinces que tu assujetti à la Majesté de ces Lys, tout cela, mōtagnes de Gelboe maudites pour auoir receu le sang des forts d'Israël. Si le Ciel de ceste assemblee ne iette ses yeux larmoyant sur nous, pleurez bien Messieurs, pleurez tāt que vous en perdiez tous les yeux, afin que d'un cœur tout content nous disions apres S. Gregoire à la loüange de telles larmes, *O fœlix diluuium, ô fœlices lacrymas*, mesmes si par la perte de la veüe du corps, celle de l'ame vous demeure restituee: assurément que les bons & charitables Catholiques vous aurōt pourueuz de bonnes guides, & que chaque depute auroit eu à son costé vn Catholique pour le remener sain & sauf en sa maison, vous le meriteriez bien apres auoir changé la malediction de mere France en benediction, de la secheresse en fœcondité de la mort de nos plantes Royalles en vie. O! que nous dirions bien gayement à l'enterremēt de ces dignes yeux, au lieu de libera me, *O fœlices oculos qui galliam nostram imo depressam atque infixam tartaro in sublimē*



*cælum eleuant.* Il ne tiendra qu'à vous, que nous, ne vous, ne soyez nos confrefacteurs, & nous vos obligez. Il ne faut que verser les pluyes de vos larmes à perte de veüe, & assèurément il se leuera de beau bled, si vous ne le voyez vous le sçaurez.

O! que nous porterions les yeux haut pour admirer le Ciel bening de vostre assemblée, tout Eclypsé pour le bien de la France, tant de beaux yeux comme Celeste flambeaux, comme Estoilles abbatuës destachees de leur Ciel: non pas pour presager la fin & la ruine du monde, mais la restauration de nostre bon heur, & la riante prosperité de nostre Monarchie.

Que pourrons nous faire? s'entrediroient alors tous les bons François vos obligez, qui puisse approcher le merite de ces bons Anges de Paix? de ces medecins Celestes qui ont donné leurs yeux pour le salut de la patrie, pour la vie de leur Roy, pour la conseruation de son sang? qui nous ont preserué de la gueule & des pretétions de ce gros poisson d'Angleterre, qui nous ont fait auoir la fille de ce puissant Gabellus d'Espagne, nous ont accroché la puissance de ce grand diable d'ambition, qui tuoit les sept Manys qui ne nous ont pas encore fait recouurer l'argét qu'on nous doit pardelà: mais qui nous font esperer qu'il ny aura rien de perdu; Et certes vous auriez plus fait pour nous que Raphael pour Tobie, veu qu'il ne luy rendit la veuë qu'avec du fiel de poisson, & vous nous lauriez restituee perdue, aux despens de la vostre propre.

SIRE, en ce cas il leur faudroit continuer les Villes de preside pour le temps & terme ordonné par les Iuges aux plus sceleratz. condamnez à la ga-



lere, qui est de cent & vn an, voire leur en adjouster de nouuelles, où leur en faire auoir l'esperance; Mesmes pour plus ample tesmoignage de vostre bien veillance, leur entretenir de bonnes & fortes garnisons à vos despens. Capitaines & Soldats, tous qui eussent bon pied & bon œil pour les soulager, & les descharger du loing de la garde, & des yeux perdus pour vne si bonne cause pourroient bien meriter vn tel soulagement.

Il faudroit aussi, les tirer de la peine d'aller chercher leur salut au loing, les descharger de l'ennuy que leur cause la pauureté d'vn couuert plus propre à loger bestes que gens, & à c'est effet partager avec eux comme bons freres par esgalle moitié les Eglises qui nous ressent de l'embrasement, que leur charité reformee a allumé, & leur malice premeditee & obstinee attisé.

Que ce qui se treueroit & d'argenterie, & de plus pretieux dās les tresoreries de noz Eglises, restant de leurs sacrileges attentats du passé, que l'on leur en fist part, en la forme que Tarpeya receut les brasselets des Sabins qu'elle auoit demandé pour remettre le Capitole à leur mercy.

*Ad super mensam manibus detracta puellam;*

*Armillas ferum miseram pressit acerba dies.*

Et comment, ne leur deuons nous pas bien cela, depuis qu'apres le sang Royal, Louys le Iuste ne vit pour nostre bon-heur que par le sang de leurs Peres, & que l'humide radical & l'huile entretenu, la sacree lampe de la chere & necessaire vie de nostre Prince ne subsiste que par l'humide de leurs larmes.

Vous m'aymerez plus que ie ne veux, & croiriez de moy plus que ie ne puis souffrir: si ie vous laissois



en opinion que i'eusse bien toute celle du merite de  
 vos larmes, & du sang de vos Peres, que marque  
 l'escorce de ma lettre, ains ie vous raille: car tel  
 sang & telles larmes ne peuuent meriter de seruir à  
 vn si haut vsage. De tels lauriers ne doiuent pas  
 estre fallis d'une si noire & bilieuse aspersiion neces-  
 faire, il faut chercher les causes de ceste seignee autre  
 part, l'on en remarque deux pour le bien du corps,  
 l'abondance & la corruption en la masse du sang:  
 La France a en Dieu vn bon Medecin, qui la sçait  
 guerir par les voyes les plus propres à sa santé: la sei-  
 gnee de quatre batailles n'a peu estre necessaire que  
 pour l'une de ces causes, où toutes deux, n'eust esté  
 que vostre sang corrompu par les persuasions des  
 libertins, & les menées des malcontens, fait pressen-  
 tir la necessité de sa sortie, & sur l'excès surabon-  
 dant à paru de vos poursuites à la ruyne de l'Estat,  
 en vos leuees de gens, sans l'attache du Prince de  
 vos armées sur pieds sans commandemens, excez  
 trop connu au port de vos espées menassantes &  
 tranchantes comme lancettes de mauuais Chirur-  
 giens, portans leurs peintes aux corps, & en celle  
 du Royaume. Sang & sens corrompu, où l'on a  
 veu abonder l'exercement d'auarice, nager les sere-  
 sités de voluptueuses passions, les bouillons d'ire,  
 pire sang que celui dont l'aspersiion fait mourir les  
 plantes, si ce n'est qu'elle surpasse en malignité, &  
 que comme le venin du Basilisc il rompt la pierre  
 tombant dessus, plus exquis à se faire passage à la  
 la ruyne que le sel, & le vinaigre d'Annibal qui luy  
 estarpoient les montagnes, & luy preparent des  
 grands chemins dans les lieux les plus inaccessibles,  
 sang de vos Peres puillât au mal iusques à l'extremité  
 que



que nous disons, & loué soit Dieu qui a l'œil à la  
 conseruation de cest Estat, & qui n'a pas per-  
 mis que ce venin qui a infecté quelqu'une des  
 parties, soit monté iusques au chef, & que la  
 Majesté de noz Lauriers ayt esté arrosée d'une si  
 abominable asperision, qui de son seul approche-  
 ment fait seicher les plantes les plus verdoyantes,  
 comme le Basilic de son sifflement: que verrions  
 nous apres ce que nous auons veu; l'on pourroit  
 bien dire en pleignant, des pieces de l'Estat & de  
 l'Eglise Gallicane, *lapides sancti voluuntur in terram.*  
 Cela ne peut estre vn article de Foy Chrestienne  
 qu'oblige en conscience, que les Lauriers d'Hen-  
 ry le grand prennent leur gloire & leur verdeur  
 du sang de voz Peres; mais c'en est vn de foy Mo-  
 rale, que vostre sang bouillant de colere, & vo-  
 stre sens corrompu d'erreur a peu arrester ou dif-  
 ferer le cours de l'obeissance de ses peuples, leur  
 hommage au merite de son sang Royal & de ses  
 propres vertus, ainsi que les eues du Nil sont  
 empeschees de se descharger dans la mer par des  
 montagnes de sable, qui occupent l'embouchu-  
 re: rien, rien, rien, que la baue de ce sang, & de ce  
 sens corrompu ne luy a attiré la hayne, le mespris  
 de ses peuples, pendant qu'il s'y tient, qu'il s'y re-  
 fie, tout luy court sus, fait-il mine de s'en retirer?  
 voyla la France à son deuoir aux summissions, aux  
 hommages, luy fait feste, l'on ne voit que feux &  
 joye allumez: c'est à qui mieux mieux tesmoigne-  
 ra le sentiment de la joye conceüe, les Prouinces  
 comme montagnes de neiges se fondent à la veüe  
 de ce Soleil, les villes aussi, les flots d'un torrent  
 impetueux s'entre pouffans, courent à leur deuoir  
 à perte de veüe, content qu'il le peut voir, heureux  
 qu'il le peut approcher, glorieux qu'il luy peut em-



brasser la cuisse, luy baiser le genouil, qui l'a abordé ne le peut quitter pour faire place à celuy qui le suit, les yeux de tous, ficher sur luy pour l'admirer, ne peuuent s'empescher de rendre des larmes de joye pendant que le cœur leur rit, tout au leué de ce Soleil le nuage d'erreur dissipe l'air, retentit au bruit des festes & des chansons communes, l'on voit son chef tout glorieux rayonnant, sa Couronne brillante de diamants de prix, plus celle de l'assemblée de ses Princes & des plus grands de son Estat, comme belles Estoilles veues ficees au firmament aux plus belles heures d'une claire nuit.

En fin le vray sens de l'écriture exposée à la Catholique a auancé plus à la gloire de ses Lauriers en vne heure, que celuy de l'erreur opinistré en plusieurs années; Et le Canon de la Messe luy a plus ouuert de portes, abbatu de murailles, assuietti de Prouinces, humilié de peuples, que celuy de voz arsenacs pendant qu'il s'y est refié, & le sang de vostre croyance vuidé de son cœur: Ses Lauriers ont paru plus verdoyans que par celuy que vous auez donné en quatre batailles, & en plus de cent rencontres. Sang perdu par l'inconsideration de ceux qui l'ont mal donné, sang François qui n'as seruy à la France, & à l'auancement des grandeurs d'Henry le grand & à la possession de ses Lys que comme les abondantes pluyes pendant la cueillette, qui ne font que retarder la saison. Que ie te plains, Ha sang! que ta perte me touche, plus que la plainte sans sentiment de l'harangueur de ceste prou fotte poupee, qui fait bien de r'apporter l'honneur du sang aux Peres de ceux qui l'ont deputé: car ie ne me trompe où ceux dont il est venu ne si treu-



nerent pas, le vœu de la solitude les tenant pour  
lors occupez dans le cloistre.

Quant à voz larmes protestees, desquelles  
vous preparez vn reservoir pour donner l'eau  
aux lauriers de Louys le Iuste, feintes ou reelles,  
de mine ou d'effet, de bon ou de volée (ou si  
vous voulez telles que ie les pense) l'Eglise &  
la France en corps, ou en particulier vous en re-  
mercie, & vous exhorte de les reserver à vne au-  
tre occasion, & conseruer vos yeux pour pleurer  
les malheurs où vous vivez, & où vous nous au-  
riez attirez, si Dieu n'eust abbaissé l'œil de sa pitié  
sur nous: de si feintes & froides larmes que les  
vostres ne scauroient donner vigueur à des si pre-  
cieuses plantes, les fruits de la Paix que nous re-  
cueillons ne croissent pas dans la terre de vostre  
Egypte, l'arbre qui les porte ne mouille point ses  
racines dans les eaux bourbeuses du Nil, il prend  
sa vie d'une plus digne cause; le Ciel qui la planté  
dans nostre terre se charge de son arrosement &  
de son accroissement, elle n'attend sa prosperité  
que de ses pluyes, celles de voz larmes ne peu-  
uent que charger ses rameaux, affoiblir la vigueur  
de la verdeur de ses feuilles, causes de la pourriture  
à ses fruits. Dieu nous garde de ces mauuaises  
broüees, où nous donne en mesme temps vn  
beau Soleil, affin que si tost dissipées, à ce que  
nous n'en ayons que la peur. Louys le Iuste trou-  
uera fort bon que ie vous coniure en son nom de  
ne vous pas tant desoler, & que ie vous dise com-  
me Iesus-Christ aux filles de Ierusalem *nolite flere  
super me, sed super vos ipsos flete*. Vous auez prou be-  
soin de voz pieces, & vous n'aez pas des larmes  
que ce qu'il vous en faut pour pleurer vos pechez,  
mesmes ceux que vous contractez par les ruynes



que vous nous auez attirées sur noz maisons, noz Villes, noz Eglises, sur nostre Estat, *quia venient dies in te*, terribles heures, tristes iournees qui payeront les effets de voz mains sacrileges sur les personnes & les choses sacrees avec des marteaux frappans puissamment deschargez sur voz testes, gardez voz larmes pour ceste saison, *Satiuss enim est & sanius fonte purgari quam igne*. Le bain est plus supportable que le bucher: crachez Messieurs, crachez bien par les yeux, purgez vous bien de ceste mauuaise flegme d'infidelité cependant que vous auez le remede des larmes present, vaquez à ce soing, & que celuy de l'Estat ne vous ronge point ainsi le cœur, ne vous couure point les jouës de vostre belle assemblée de larmes, nous vous en ferons des aduis quant il en sera temps, nous les iugerons bonnes cependant la retraite, & bras dessus, bras dessous embrassez vous, & donnez vous le baiser de paix, & dites vous l'adieu iusqu'au reuoir de ce iour là. Iour heureux & d'autant plus heureux que plus il sera differé.

Et affin que vous soyiez mieux persuadez à profiter mes bons aduis qu'Henry le grand auoit eu vn si particulier soing de vous oster tout sujet de larmes, qu'il n'a rien laissé à faire de ce qui s'est peu à l'affermissement de son Estat, & à la conseruation des grandeurs & des Majestez de son successeur.

Ses vertus Royalles assemblees en conseil entreprendrent dès les premieres anneés apres son couronnement la fabrique d'vn glorieux Louure de Paix, mirent en besoigne son espee & sa valeur pour en tailler les pierres, sa prudence pour les disposer & arranger, sa puissance redoutée y



mit le cymment au dedans, & au dehors la croyance qu'il s'aquit sur les esprits de ses sujets, assit le fondement, l'esperance d'un siecle dor. Pendant son regne en esleua la muraille sa clemence, & son amour enuers ses peuples, enuers lesquels il traittoit comme pere: posa le couuert son menage & son espargne, pourueurent au meublement, & à l'ornement. Ceste architecture si promptement & heureusement esleuee, acheuee, ornee, donna de l'affection de venir voir, & admirer aux amateurs des choses belles, & dignes d'estre veues. Le Ciel nous enleuant HENRY, l'Autheur de cest ouurage qui donnoit à admirer au domestique & à l'estranger, eut esgard à nostre perte, supposa en son lieu la viue image Louys le iuste, qui dès le berceau de sa minorité commença de donner sur les premieres testes du serpent de discorde; qui desia se figuroit que l'Hercule dompteur de monstres nous ayant failly, il eschangeroit aysement son venin dans le coeur, & dans le corps de l'Estat: Ceste hydre prodige, desia preparoit dans les replis & l'escaille de sa malice les coups de son esguillon mortifere, qui eussent bien tost porté le corps de la France aux abois & au tombeau, si Louys le iuste n'eust eu herité de ses Royaumes d'Henry le grand, herité de sa Mafuë, d'où par l'aduis des bons Medecins il a tiré des bons remedes propres à la santé de ce corps dont c'est le digne chef.

Et tout cela sans l'ayde de vos larmes ny de vostre sang, au moins l'histoire n'en dit mot, entre vous & les Historiens le debat, à eux le tort, s'ils ont & tiennent gesné & oppressé la verité, & à vous si vous alleguez faux. Nous apprenons de leurs memoires que telle fois vostre sâg s'est retiré



au cœur quāt il falloir tenir & le porter pour le biē de la partie sur le bout des doigts, tefmoin Amiens où vostre sangmanqua pour ceste fois aux lauriers d'Henry le grand, & peu s'en fallut qu'à ce coup la France ne vous creust avec la liuree rouge sur le coeur au lieu d'epitheme, & que vous n'eussiez du dessein de ietter l'inquisition dans Geneue, & la faire receuoir en France. A peine puis-je croire que les pistolles d'Espagne eussent treuue vn guichet pour entrer dans vos places de conserue: car chascun sçait que vous n'aymez pas les croix qui viennent de là, voyla que c'est de bien seruir sa patrie au besoing. Vn grand courtois royaume comme la France nourrit tousiours quelque esprit reconnoissant, qui sçait exposer aux yeux du public en bosse ou en platte peinture les bien-faits & services rendus, comme les vostres pendant le siege d'Amiens en ce iour critic, où la France malade d'une fièvre chaude guerit par vn benefice de nature, qui fit vuidier l'humeur ennemie qui le causoit: Et bien grand mercy aux Medecins qui se treuuerent à la consulte & furent presens pour voir comme la nature aydee de l'art operoit par sueurs & benefices de ventre qui firent quitter la ville & la campagne à ces humeurs peccantes venues de Castille: Et bien estonnez que vous fustes de voir que Louys se passoit desia de vous, & que la France auoit assez de sang pour en donner aux belles occasions, & pour monstrier plus de rougeur au visage, au bout des doigts que l'Espagnol n'en faisoit voir en ses leures. Qu'il y auoit assez de charitables larmes sans les vostres, pour nous attirer le secours du Ciel, & à nos aduersaires la terreur.

¶ Cependant Messieurs, nous deuons quelque chose à vos peines, à vos sueurs, à vostre sang,



comme hercule aux forces Danthee, qu'il estouffa au venin del'hydre qu'il abbatir, aux dents du Lyon qu'il despessa, & pource que l'estime de sa valeur se prit de là, Ainsi nostre vigilance du bruit de vos trompettes, nostre lumiere de l'Eclipse de tant de Soleil d'hommes, sublime la restauration de nos lieux sacrez, & de la ruyne que vous y auez causé, la naissance d'un million d'estoilles de plusieurs autres tombees du firmament de la Foy, & de l'Eglise, chiens, brebis, & berger, tout dormoit, voz alarmements nous ont fait porter la main au ratelier, nous ont fait courir du lict à la muraille en estat de vous voir, & de vous bravement recevoir: Vous nous auez seruy à quelque chose sans y penser, nous devons cela à voz pechez, rien à vos volontez: Le sang que vous auez espandu a peu estre la semence de celuy que depuis nous auons aquis pour vn perdu cent recouuers. *O felix culpa*, Cela ne s'est pas fait sans que Dieu y ait ordonné, ceux qui vous ressemblent ne vont pas sans fruct, c'est *ut corrigantur aut per illos boni exerceantur*, & croyez que la parole de S. Paul, disant, *oportet haereses esse*, ne sera pas contee entre les paroles infructueuses que le iugement de Dieu doit examiner, puis que le crachat de ces sortes de nuées sert à l'abondance de nostre terre, comme les oignons plantez au pied du rosier à multiplier la senteur des roses, le pied & la fiente de ces bestes dans le champ de l'Eglise sont comme des troupeaux que l'on iette dans la terre, qui doit porter plantureusement l'année suiuate. Ainsi nous devons nos maux à la malice de vos volontez, nos biens à la bonté de celle de Dieu comme cause, à la malice de vos erreurs & de voz pechez, comme à leur occasion: ne gemissez plus en l'attente des fruits que vous auez voulu espe-



rer de la nature feconde du sang de vos Peres, ny de celuy de vos yeux, ceux que nous auançons sont assez hauts pour vostre ambition, & il vous sied aussi peu d'affluer les lauriers d'Henry le grand au sang ambitieux de vos Peres, aux larmes prescriptueuses de vos yeux, comme d'abbatre les coronnes & les sceptres aux pieds & à la mercy de vos consistoires, les tyares & les mytres à la disposition de nos discoles & de vos escoles, de vos Graduez & de nos desgradez, nos lys aux horries qui couurent leur floc de ces perenez, & leur front iusques au iour imagine de vostre tant attendue, & pretendue, & anticrestienne liberté, qui vous doit faire voir vn chuiſt de velours tout doré & piaffant, digne esperance de vostre caballe Turcojudayſante.

FORME DE MENTIR A DROITE ET  
à gauche affirmatiuement, & negatiuement  
emanee de l'assemblée.

**V**ous faites ſuyure le merite de vostre sang & de vos larmes, par celuy de vostre obeissance pretendue, comme vostre reforme avec tout le reste de voz autres vertus, quand vous dites ce qui ſuit. Vos Edits SIRE, on aſſés d'autorité pour nous contenir en noz tres-humbles deuoirs, & non aſſés de bon-heur pour maintenir en ſeureté. Deux voyes pour bien diſſimuler & mentir, l'une de ceux qui veulent faire croire ce qui n'eſt pas, & c'eſt ce que vous faites, quant vous dites voz Edits SIRE, &c. L'autre de deſauouer & affermer n'eſtre pas ce qui eſt, comme quant vous dites voz Edits non pas, &c. Dites mieux, voz Edits SIRE, voz Edits n'ont pas aſſés d'autorité pour nous contenir en nos tres-humbles deuoirs. Vous donnez trop à vostre pretendue obeissance,



fencez trop, vous donnez trop à vostre pretendue obeissance, trop peu à la modestie des Catholiques: deux theses messieurs, toutes deux égalemēt fausses, la premiere qui nous veulēt faire croire que les Edits de nos Roys ont par tout assez d'autorité pour vous cōtenir en vos devoirs, l'est, où il n'y en a point au monde de fausseté, plus nous sert ce que nous envoyōs, & ce que vous en croyez avec no<sup>r</sup>, que ce que nous en disons, & escrire ce qui s'e sçait c'est recourir aux redites, les moins sçauās de l'histoire en penseront facilement ce que i'en pourrois mettre sur le papier, & par delà, Dieu sçait si ce que vous vous attribuez par ceste proposition peut cōuenir à l'heresie & à l'heretique, *omni soli & semper*, souffrez donc messieurs, d'estre cōme ce que vous estes en effet, & n'imposez pas aux Catholiques ce de quoy vous les croyez innocens, & ne les publiez pas ainsi peu retenus. Vous querellez, & à rompre les voyes, & à enfreindre les loix de vostre seureté: est quant ils entreprēdroient en tout cas, le mesme Edit qui vous a peu affermir en la certitude du salut Spirituel, vous en acquerra au temporel, & si nous sommes ce que vous nous publiez lous aides à la proye, vous, ce que vous vous imaginez douces & humaines brebis, bestes du petit troupeau. Il n'y a rien à craindre pour vous, car l'Euangile a trāsferé aux loups la naturelle crainte des brebis, & aux brebis des troupeaux la naturelle force des loups, *etiam si mille circumissent lupi superamus & vincimus, quod si lupi fuerimus vincimur, tunc enim à nobis pastoris auxilium recedit qui non lupos sed oues pascit*, de sorte qu'une brebis espouuantera mille loups, & de son regard obbattra leur fureur: c'est à nous à craindre si nous sōmes loups, veu qu'il ne no<sup>r</sup> reste riē à esperer de

l'aide du berger, qui ne s'est pas chargé du soin des loups, mais de celui des brebis. *Nolite igitur timere pusillus grex.*

Silence donc messieurs s'il vous plaît, si vous estes brebis qui ne disent mot en leur propre cause, cessez ces plaintes, monstrez nous les copies de vostre souffrance prises sur l'original de la souffrance de l'agneau, exemplaire qui cum malediceretur non cōminabatur, & que l'on ne vous sçache plus l'estomac aigre à la senteur du vinaigre, que l'on ne vous voye plus aux esterneuements, au souuenir, voire au seul nō de l'Elebore, pl<sup>us</sup> chiēs criars au leuē de la pierre, autrement vostre poupee à vostre nō, ne pourrapas dire.

*Je suis à l'agneau comparable,  
Destiné pour sacrifier,  
Qui dedans sa gorge inculpable  
Reçoit le couteau sans crier.*

Que vous aurez peine d'y venir, l'art peut imiter la nature: mais elle ne la peut ny esgaler, ny approcher, *simia semper simia*, vn loup domestique est vn loup, les effets nous mēent à la cognoissance de leurs causes, voz crieries, voz plaintes importunes, & voz manifestes calomnies, ne sentent rien de la brebis, elles tirent plustost à l'humeur du renard, du lyon, & du loup: selon la difference des temps, du pouuoir, & du non pouuoir, renards en finesse, loups par auidité a tousiours demander, & à tousiours paroistre insatiables, où si vous voulez plus proprement, *leones propter impetum, dracones propter insidias*, & en qualité de tels vous auriez plustost fait d'aduoir ce que vous estes, & ce que vous faites, en disant SIRE, vos Edits ont assez de bon-heur pour nous maintenir en seureté, mais ils n'ont pas par tout assez d'autorité pour nous contenir en nos devoirs.



Je vous iuge fort nuds, fort neufs & fort naifs aux  
 mots de passion estrangere, pour signifier par vn mot  
 odieux nostre iuste zele à la religion de nos pre-  
 miers Roys, & de nos premiers Peres: l'Onction &  
 les Lys, l'affermissement de la Religion & de l'E-  
 stat se ſuyuent de près, Chez nous la Religion & le  
 Sceptre vont ensemble, c'est vn mariage inſepara-  
 ble fait au Ciel: l'humaine audace n'en doit ny en-  
 treprendre, ny penſer la diſſolution, *quod Deus con-*  
*iunxit homo non ſeparet.* Impreuer ceſté ſacree alliã-  
 ce, ne peut prendre ſa cauſe que dans vne paſſion  
 estrangere, telle que peut eſtre la voſtre, venue du  
 fond, & des extremitez du Septentrion, à *quo pen-*  
*detur omne malum*, qui nous voudroit atacher apres  
 l'eſſentiel l'acceſſoire. P'aloſe qu'elle eſt des hon-  
 neurs que nos Majeſtez ont des Roys des Fran-  
 çois, & de treſ-Chreſtiens: Braues François, vous  
 ne deuriiez pas vous treuuer cōplices de ce crime,  
 & à la face de voſtre Roy, calomnier la barbe che-  
 nuë de ces Lys, & l'antiquité de ſes tiltres de très-  
 Chreſtien, & du ſils ayné de l'Egliſe. A bas, à bas,  
 Meſſieurs les deputez, à genoux, à voſtre deuoir,  
 faites la reuerence à la blanche & ancienne barbe  
 de nos Lys miraculeux (cōme dit S. Amb. diſoit du  
 ieufne) *reuerere liliis noſtrorum canitiem.* Et n'appel-  
 lez plus paſſion estrangere le zele que nous auons  
 à nous cōſeruer, la cauſe de leur naiſſance & de leurs  
 propres qui eſt la Religion Catholique, à procuter  
 que leur cōtinuation ſile, ſ'il ſe peut, auſſi longue-  
 mēt que le monde ſe doit continuer. Le grand Sei-  
 gneur ne voudroit autre recognoiſſance d'un puis-  
 ſant ſecours rēdu aux mutins d'Allemagne, que le  
 preſent de nos Lys pour l'atacher au bouquet de ſes  
 iniuſtes conquēſtes. Il ſçait cōbien leur perpetuité

luy est fatale & a son Empire, & cōbiē redoutable paroïstra vn iour nostre estendard sur les murs de la Cōstantinople, & que son croissant hôteux de se voir à son declin eclipsera à la veue de nos Croix & nos Lys, fors rayonnans de gloire & de victoire.

Ceste paillarde poupee, se peut enioliuer & attif-fer, ces traits & ses attraits ne feront iamais adulter nos Lys, leur mariage avec la Religion est si estroit, qu'en despit de tous les ennemis importuns il demeurera tousiours soy mesme: nostre Sceptre ne peut point tomber en vne main femelle, moins en vne main infidelle: Ces Lys venus d'enhaut, ceste Onction sacree, l'un & l'autre miraculeux nous affermissent en ceste croyāce, & leur antiquité repousse brauement l'ignorāce où l'insolēce de vostre passio estrāgere (choisiflez) les plus dignes offices, & plus proches de la personne de nostre souuerain, les vns annexe aux charges Ecclesiastiques, les autres affectez à des persōnes Catholiques font voir que vous y procedez de mauuaise foy, & qu'en conscience vous sçauetz que la Catholique Religion a droit de prescription chez nous, par la suite non interrōpue de plusieurs Siecles escoulez, & qu'en fin le zele à l'estat est inseparāble d'avec celui de la religion. *Nole igitur velle mentiri omne mūdātium, assiduitas enim illius non est bona.*

Ceux de l'assemblée deuenus Tailleurs, bons ou mauuais à coudre où à decoudre.

D V B I V M V N I C V M.

V Ostre zele feint ou reel, nous fait sçauoir de vostre escrit, que de mauuais tailleurs vont decousant les pieces de l'Estac. Qui sont-ils? nommez les afin que nous leurs arrachions des mains la robe



qu'ils dechirent, & le cousteau qui sert à ceste diuision: mauuais tailleurs peuuent estre ceux qui d'autorité priuee exigēt sur les peuples: plus mauuais ceux de qui les espees ne couppent que pour opiniastrer la deffence d'une mauuaise cause en despit de Dieu, de son Roy, & de sa partie, *quia miscēt trecta peruersis, ostendendo bona, ad se auditores pertrahant Et exhibendo mala latentē peste corrūpant*, biē mal fait que l'ō ne vous ayt refié la piece, vous en auriez fait des beaux lambeaux, l'on auroit tantost veu piece de çà, piece de là, & chacun la pieces à la main, & Dieu sçait si les Tailleurs se seroient oubliez. Il ne seroit pas à souhaiter que les pieces ne tinssent qu'à de la foye où du fillet, les Cousteliers de Tholozé, de Thiers, de Moulins, demeureroiēt hauts & puissans Seigneurs: car chacun se voudroit tenir saisy d'une paire de ciseaux, moins & croy-ie plutost pour couper que pour decoudre: car comme Maistres Tailleurs, le temps vous est plus pretieux que le fillet.

Maistres Tailleurs, ouy, j'ay biē dit, & iurez si l'ō le peut estre pour entendre à decoudre, & si les in-executions, cōtrauentiōs, & sinistres interpretatiōs sōt des ciseaux: ces ciseaux vous cognoissent, vous ypippez, vous en sçauiez faire des chefs d'œuvre, & n'estoit que la France pitoyable Mere, vous tolere & pardonne tout, ie vous dirois chut, comme ce Sage à des vauneans, qui pendant yne tempeste leuoient leurs mains, leurs vœux & leurs voix au Ciel, *filete miseri, ne vas hic dū esse sentiant.*

Siege de l'assemblee veu en songe par leurs deputez, leurs vies, biens, honneurs & religion au peril de se voir perdu.

**M**auuais ciseaux qui font tāt de degasts, *Que si vostre Maiefté ne verse sur ceste parric de ses sujets*



le bñheur de sa Royalle Iustice, nous ne pouuons que preuoir  
 sur nous l'oppression & a cōceue par nos aduersaires, & trop  
 souvent ressentie en ce que nous auons de plus cher ; Ainsi  
 parlent ces Messieurs au Roy, & luy remonstrent  
 pour eux nos iustes sujets de plaintes. Ne vous ay-  
 ie pas dit que la seule senteur du vinaigre vous ai-  
 grit l'estomac, & que la Pensée, & le nom de l'Ele-  
 bore vous causent l'esternnement, vos maux sont  
 cōme vostre croyance, tout par pretension, & par  
 opinion: vous auéz desia leu le nōbre de vos morts  
 dans l'imagination des Catholiques, combien d'ō-  
 ces de sang l'on vous tirera à la premiere saignée,  
 cōbien de dragmes de rheubarbe à mettre en infu-  
 sion pour purger le corps de la Frāce des humeurs  
 peccantes de diuerses erreurs qui la menacent d'v-  
 ne fièvre chaude & mortelle. La calamité penchā-  
 re sur vos testes, l'oppression imminente, conceue,  
 attēdue, non encore veue, ny apperceue: pressantie  
 non encore sentie depuis les Edits publiez, & tous  
 ces colosses & chasteaux d'Espagne imaginaires, fō-  
 dez sur l'opinion mauuaise, de gayeté de cœur vous  
 voulez prendre de nous vos freres & vostre chair,  
 que vous nōmez par colere vos aduersaires. Nous  
 ne le pouuons estre qu'en vos imaginations, blessées,  
 les Edits de Pacification nous ont rendas amys; la  
 volonté du Prince a negocié la reconciliation, do-  
 resnanāt la rupture ne se peut faire de vous à nous,  
 ny de nous à vous: elle doit tomber sur le premier  
 auteur de la mutinerie, ne commencez pas & tout  
 ira blē, que si auant nos paix les villes se sont veues  
 esmeues, s'il y a eu de l'eschec, qui a commencé le  
 bransle? qui a minuté le carrel de deffi? qui a eu la  
 main plus prestē à se saisir de la garde de l'espee?  
 Pourquoy nous auéz vous troublé dans la paisible



possession du champ (il n'y a point de loix qui defendent de repousser l'injustice de l'usurpateur, & de celuy qui trouble le voyfin.

La Religion ce dites vous, la vie, l'honneur, les biens nous sont debattus, ostez, flestris, emportez, comme à personnes indignes de vostre protection incapables de toutes fonctions publiques forcloses de tous benefices que les loix du Royaume departent à vos sujets: Quatre substantifs, & autāt d'adjectifs avec leur reprise qui manque d'un pied, & marche à trois en beste chassée & blessée, ou en rhétorique hazardée, bonne pour amuser les dames du presche, qui ne regarde le ministre qu'aux yeux sans s'amuser aux pieds, ny s'enquerir à combien de poins il se chauffe. Releuōs vn peu cest artiste periode, digne de l'inquisition d'Espagne, la nostre l'a desia condamnée en premiere instance, elle demcurera en liberté d'en appeller au premier Concile, là où de demander son recours a Rome.

La Religion battue, premiere piece de nostre sac: bien mal fait que nous ne vous mettions en toute liberté, de presenter l'auoyne à vos cheuaux sur nos Autels, que nous ne consignons entre vos mains ce qui nous reste de leurs plus pretieux ornemens, pour couvrir, & parer les belles chairs & salles hontes de vos femmes, que nous ne faisons fondre nos Calices, nos Reliquaires, pour les charger en pistolles, & vous donner moyen d'aller voir à combien de points l'on se chauffe en Bohême, & comme le Palatin a avancé ses conquestes.

Que ne demandez vous, que Messieurs de nostre Dame de Paris cessent la Psalmodie pour faire place à l'assemblée de Loudun quāt elle passera, pour venir chāter le *Tedeum* & l'action de graces de vo-

estre obeissance renduë au Roy, & des conclusions  
 auantageuses pour l'acheminement de son seruice.  
 L'on les vous garde, approchez vous en, & mettez  
 y seulemēt les doigts, & si vous ne les portez plu-  
 tost à la bouche qu'au talon, ou au C, que ie ne  
 soy plus creu: vous ferez sagement d'occuper vos  
 loirs a quelque chose plus vtile. Vn Satyre s'ap-  
 prochoit trop pres du feu, qu'il ne cognoissoit pas,  
 & quelqu'un luy dit par aduis, retire toy bouquin,  
 tu te brusleras. L'Almanach des Bergers que i'en-  
 tens, dit qu'il ne fera pas bon se iouier avec le Lyon  
 pendant que Bacchus & Mars font leurs affaires: du  
 costé de la petite ourse, *parlas & non toucas*, l'on es-  
 conte vos remonstrances par cōpliment: si par fois  
 l'on s'en excuse, la multitude des affaires en doit es-  
 tre accusée, & non l'affection du Prince. Ce que  
 vous dites est accueilly, mais l'ō ne le met pas pour  
 cela entre les veritez Canoniques: l'on remet au  
 Conseil pour en voir la plainte que vous formez,  
 que l'on vous dispute la Religion est naifue, & me-  
 rite bien que ie vous responde sur le champ, au nō  
 de tous les bōs Catholiques, *opto apud Deum, & in  
 modico, & in magno non tantum te sed etiam omnes qui  
 audiunt hodie fieri tales qualis & ego sum*. Mesme Egli-  
 se, mesme Communion, mesme Baptisme, mesme  
 Foy, mesme Table, mesme Couuent, mesme trait-  
 tement, mesmes honneurs, nous n'auons point de  
 plus haut exemple à l'amour du prochain, que ce-  
 luy de nous mesmes.

Voyla nos veritables affectiōs, au bien, & à la vie  
 de vos ames, qui nous font auoier que nous vou-  
 drions sçauoir de meilleurs moyens, non seulemēt  
 pour debattre, mais pour abbattre vostre pretēdue  
 religion, & tirer vos personnes du manifeste peril  
 ou



où elle les porte miserablemēt: bien esloignez que nous sommes de nous preparer la fosse à vostre premiere perte: mais vostre passion qui ferme la porte à la raison & à la verité, vous fait dire apres la Religion debatüe, *la vie ostee.*

### Premiere Imposture.

*La vie ostee*, vous dittes ce que peut estre pensez vous meriter ( puis que *malus ne dignus est pœne, quo vescitur*) mais ce n'est pas ce que nous pensons, ny ce que nous meditons. Si la rigueur de la Loy, qui decerne à la fausseté de l'accusation, & à la malice à l'accusant, la peyne qu'auroit deu porter l'accusé apres avoir esté conuaincu: les vies de tous les Deputez de vostre assemblee ne souffriroient pas pour payer l'iniustice de ceste calomnie, qui offēce tout autant de bons Catholiques que la Frāce en nourrit? Et qui a attété sur vos vies d'autorité priuee, qui n'ait senti le foüet vengeur à sa quenë? Et quāt est-ce que d'autorité publique l'on a procedé contre vous, que les mouuemens n'en ayent esté plus que pressans? Et où a on veu les patibulaires plians sous les corps pendans de vos freres martyrisez? Les roües empeschees sur les chemins pour les exposer nuds, rompus, & estendus: L'on vous met sur les voyes de preuuer ce que vous auancés, auēc offre de vous y faire droit, & l'on laisse à vos consciences le iugemēt de ce que vous nous deués de restitution apres vne si puante calomnie: Vous adjoustes apres *la vie ostee, l'honneur flestri.*

### Seconde Imposture.

Est-ce faute d'eauë, la France à tant de belles Riuieres, où si c'est que l'arbre de vostre reforme sē



tant son Automne & son Hyuer proche, ses feuilles d'honneur destituées de vie, & toutes flestries commencent de se disposer à leur cheute. Vostre honneur flestry (Messieurs,) il en faut auoir pour en perdre, & en beaucoup auoir pour en perdre beaucoup: le Chrestien n'en doit auoir que celuy qui se tire de la Croix, mesmes le reformé où ces premieres reformes, qui ayât les pieds attrachés au posteau avec des cloux rres aigus, exposés à la hôte du monde, crioyent comme tous transportés d'aise, non, iamais nous n'auons esté festoyés avec tât d'honneur, leurs corps gehennés, tirassés, terrassés, desmembres, & deschirés, leurs nerfs seichés & roidis, leurs membres fricassés, & fracassés, liés, tirés, gesnés: les a-on iamais ouy plaindre, dire, l'on me cōdamne & tourmente à tort, enclumes à l'espreuue, que le marteau n'esbranle point.

*Bandés vous contre moy, que tout me soit contraire,  
Tous vos efforts sont vains, & que pouués vous faire.*

Le nom de vostre reforme vous attireroit dans l'obligation de te parfait mespris, & vous feroit taire ce mot, *nostre honneur flestry*, si vous auies quelque honneur à attendre au Ciel, ou à conseruer dans la terre: mais nous vous laissons libres en ces apanages de vostre liberté, c'est allés que nous vous faisons auoüer qu'à tort vous nous accusés s'il manque quelque chose à vos honneurs, vos moitiés dans les Chambres miparties, vos accès libres dans les Parlemēs, dās la maison du roy, vos charges dās les armées, vos commandemens dans les meilleures & plus importantes places du Royaume vous crient tout haut, *dites mieux*.

### Troisiesme Imposture.

*Nos biens emportez, comme à personnes indignes de*



*vostre protection, incapables de toutes fonctions publiques, forcloses de tous benefices que les loix du Royaume despartent à vos sujets. Vous allez de mal en pis, vous tombez de la fieure au chaud mal qui vous porte à la resuerie, & vous fait penser que ce que vous tenez vous est enleué, Nos biens emporte, &c. A cheual Abraham, à cheual, avec nos trois cens trente Carabins, courez moy sus à les voleurs qui ont saccagé Sodome, & enleué Loth vostre bon parent.*

A cheual **SIRE**, à cheual, pour aller apres ces remuans Catholiques, qui se sont saisis des Dismes, & autres reuenus affectez aux Eglises pretendus reformees du Bear, contraignez vos suiets à l'observation de vos Edits, puis que Messieurs les deputez forment plainte de l'iniuste vsurpation, Faites leur iustice, **SIRE**.

Vous voila bien esloignez Messieurs les deputez, de restituer le passé, puis que vous n'estes pas mesmes disposez à lâcher le principal, & que vous appelez vostre ce dôt vous n'estes que les depositaires: quel exemple laissez vous à vos enfans, qui verront que vous preschez vn Euañgile, & vous en suivez vn autre, que vous loüiez la braue franchise de l'Apostre, à se faire quitte de tout volontairement pour courir plus gayement, & avec moins d'obstacles la carriere du salut, & que vous voulez posséder tout, *per fas & nefas*, prendre par tout, & retenir tout, comme l'enfer qui ne rēd rien. L'œil de Dieu penetrant & aigu, descouurira la noirceur de vos mençes, mettra tout en euidence, là seront veuz nos biens emportez, nos calices brisez, les ornemēs de nos Eglises enleuez, fripez, dissipez, changez en mauuais vsage, prophanez; Et qui (ô horreur) apres auoir seruy à honnorer les sainctes Reliques, ont



esté employez à couvrir le vilain & sale mesnage de vos Peres, & puis nous vous deuons de reste, Ah! nourriture de Gasconne, & de la plus fine, enfans de Mère, qui reiettez le soing du lendemain, parce que si Dieu n'y veut pouruoir au second iour, vous auez l'esprit pour y pouruoir au troisieme. O le bon plan à qui toute terre est bonne, & qui à vn besoin en prendroit sur le marbre d'un Autel.

L'haragueur de cette prou sotte poupee se feroit croire, cest homme de bié, *qui ascensiones disposuit in valle lachrymarum*, si en l'escachant vn des deputez de l'assemblée de Loudun, l'on ne le sçauoit assez friand pour trôper le diable au sortir du liect, en desjeunant auant qu'ouyr la Messe.

Il s'essaye de poursuiure vne longue eschelle de nos pretendus vices, pour conclurre à nos desirez suplices: Le sacrilege fait la premiere marche par les torts imaginez receus de nous, & par nous eschoses de la Religion; Il met à la deuxiesme leurs vies ostées, & nos mains souillees de leur sang; A la troisieme le tort fait à leur hōneur, flestry, l'enleuemēt de leurs biens; A la quatrieme, en sorte qu'il ne reste pl<sup>e</sup> que les reliques de plusieurs corps sains, & non sains assemblez où retournez de Loudun, qui ne se porterēt iamais mieux, & qui a cause de la bonne chere qu'ils leurs ont faits, leurshostes n'attēdēt que la sepulture d'un lit apres souppé, & passent ainsi doucemēt vn iour apres l'autre, aux despens de la bourse commune. Ainsi mis en toute libetté aux exercices de la Religion: pleins de vie, d'honneurs & de biens, ils se mettent en queste de l'asne qu'ils montent. Hé Messieurs, *lupus satur non est lupus, neque enim per medium agmen incedens insidias molitur*. Pleins que vous estes de tous biés, voudrez



vous paroistre pires que loups , ne fera-ce iamais fait à pleindre & à demāder: l'on nous dira *incrassatus est delectus & recalcitrauit*, & l'on croira avec Adrian l'Empereur, que pour le benefice & l'embōpoint de la ratte, il faudra amaigrir le corps qui ne se cōtente de ce qu'il a, peut souuēt ce qu'il tiēt: Et pour le cinquieme, & pretēdue eschelle de nos crimes, le tesmoing domestique de leur conscience, vous doit reprocher iustement les crimes qu'à tort vous nous imposez,

*Nocte diēque suam gestant in pectore testem.*

Ils aprehendent & avec sujet, que le Ciel ne leur tombe dessus, que le Soleil ne se cache d'eux, & ne les veuille plus esclairer, que les Elemens ne les veuillent descharger du soing de les nourrir, que la Terre ne les puisse plus souffrir nō plus que le serpent apres qu'il a blessé l'homme, & qu'en fin les Estoilles n'arment contre eux: La vengeance Diuine amene chaque chose à point, & par des secrets ressorts conduit le meschant, & sa malice à la peine meritee, qui pour estre differee n'est pas pardōnee. Messieurs, vos ruses, & subtilitez à vous tenir à couuert des yeux des hommes, ne sont pas recenables deuant le tribunal de Dieu, ny deuant celuy de vostre consciēce, elles ne font que vous rēdre plus ridicules. Que ces grands animaux, rapportez par Plin, qui se croient assez cachez s'ils peuuēt tenir la teste sous la feuille, quoy qu'ils traîsnēt des corps d'une monstrueuse grandeur. Et ie crains que l'eschelle, & le patibulaire que vous nous preparez, ne serue en fin à vos suplices, cōme celuy de Mardochée à Amā, prenez y garde, & poursuinez la fabrique à la bonne heure, pendant qu'au nom des Catholiques, i'en poursuiray l'examen. Vous mettez

à la cinquiesme marche de vostre eschelle l'iniure faite au Roy, & à la sixiesme l'offence, & le dōmage attiré sur l'Estat: vos affectiōs à ce sujet sont loüables, autant qu'elles sont veritables : nostre courroux, & nostre zele desgainé pour la deffence des choses dont la conseruation nous importe si fort, fait à la raison cōme le chien au ueneur, ainsi le zele de IESVS ordonne que Acham meure, & soit exterminé pour auoir causé du trouble à l'Estat, & David fait tuer en sa presence l'Amalecyte, qui auoit osé entreprendre sur la personne de l'oingt du Seigneur du Roy.

Les sages, & les folles coleres, sont distinguees cōme les mains de Iacob d'auec celles d'Esau, celles cy qui ont le poil nay avec la chair: celles de Iacob ne l'ont qu'appliqué, les vostres sōt de la premiere sorte, & ont leurs causes dās le propre interest, quāt vous dites au Roy, *les torts que l'on nous fait ont leur reflexion iusques à nous, & reialissent en fin sur l'Estat, duquel quant nous pourrions nous oublier, nous deuons estre jaloux pour le bien de nostre posterité.* Vous mettez l'interest du public avec le particulier, & monstrez de vouloir obliger le Prince à prendre à soy, & sur soy vos griefs imaginaires, & faire son propre de vostre interest pretendu, & pour l'y attirer, d'obliger le Roy; vous y meslez finement son interest, & celui de l'Estat, qui n'est pas vne petite ruse & subtilité, mais c'est vn meuble duquel vous ne vous desfaissiez iamais: le boiteux chemineroit s'il auoit bonnes iambes, & l'oyseau voleroit si la plume ne luy manquoit, vostre proposition auanceroit chemin si elle auoit des pieds: mais le tort fait à l'Estat, & à nos personnes, qui fait le premier pied à la goutte, & le second pied, qui est l'obligation du Prince à



vous traiter en enfans, & à vous tenir lieu de Pere; à la podagre: preparez vn liēt à vostre Pouppee; & appelez les Medecins pour la veoir, & les menestriers pour la faire danser par imagination, qu'elle se pare la teste pour receuoir les visites, & qu'elle cache ses pieds sous le drap, afin que ce soit des filles de Geneue & de la Rochelle, que Dauid ayt chanté, *filiae eorum compositae circumornatae ut similitudo templi*. Vos petites ruses sont assez bones pour amuser les simples, les gruës s'y engluēt, les aigles s'en scauent tenir de loing pour s'en rire tout à l'aise. Toute raillerie mise à part, il faut vous dire que l'Estat de nostre France peut estre vn Ciel, le Roy son Soleil, Ciel & Soleil qui rayonnent sur tous, bons & mauuais Catholiques, & huguenots, Ciel & Soleil communs, & esgalement bons à toutes terres: mais toute terre ne se tourne pas esgalement à eux, & ainsi ne tirent pas mesme benefice de leur clarté, *quosdam illuminant, ut gemmas, quosdam ut lateres*, d'une piece de terre il s'en forme vn diamant, & d'une autre vne brique: le Prince ressent nos maux, comme Pere: les venge, comme Roy, à nous aymer, comme enfans, à seruir & obeir comme sujets, à faute de cela, *oculum qui subsannat patrem suum, & despicit partem matris suae effodiunt eum corui*. Puiſſons nous voir tous les trouble-mesnage en estat, que les corbeaux les puissent approcher sans peur. C'est pour nous, si vous ne voulez mentir de gayeté de cœur, ce qui vous est assez ordinaire, si nous sommes ces perturbateurs, ces pescheurs en eauē trouble, nous auons fait tout le mal, & vous rien: Sus, sus, que l'on prepare les rouës, les feux, les supplices, que la loy ordōne aux iniurieux à l'Estat, que l'on multiplie les patibulaires, que l'on abbate

à c'est effet les forests entieres, pour servir à l'exécution generale, meritee par vn fait ou tât de gés ont trempé, & qui à tant de complices. Catholiques, confessez vous; Eglise Gallicane, fay ton Testament, mets tout le bon ordre que tu pourras aux affaires du Clergé, donnés vos ames à Dieu, Catholiques, vos corps à la voyrie, & souffrés partiemmet vos biens cōfisque au profit de la bourse commune des huguenots, afin de leur laisser des moyens d'aller mener le siege deuant Rome, planter le petard aux portes de Madry, faire receuoir le Concile de trente en France, l'inquisition à Geneue, quant les Ministres seront deuenus Euesques, & les Cōsistoriaux, de cordonniers & cousturiers, hauts & puissans Seigneurs.

En deux mots, peu dire, beaucoup souffrir : c'est ma deuise: laissés m'en le nom, & prenés en l'effet, & assurément il ne nous en prendra pas mal: le volontaire sent son ame Euangelique, & toute Chrestienne, que si encore vous ne vous voulez mouler à l'humeur endurante de I E S V S C H R I S T, Et seuuenés vous que le diable, à ce que dit Tertulian, *sus etiam decuit patientiam*, que si vous n'estes de D I E U, ny du diable, il vous faudra pendre au col la sentence prononcee sur le serment separé de la Vigne, qui ne sert, ny à produire fruits, ny à faire cheuille, & reste seulement bon pour allumer le feu. Voyla vn fort bon aduis pour conclure, sçachez m'é gré, & prenés de là occasiō de me croire, Messieurs,

Vostre bon amy,  
MONITOR.

TELAS ARANEÆ TEXVERVN